



Inatsisartuni ilaasortaq
Loritha Henriksen, Kattusseqatigiit Partiiat
-/Maani

Pineqartoq: § 36, imm. 1 naapertorlugu apeqquumut nr. 2010-155-imut akissut

Asasara Loritha Henriksen

Aallarniutigalugu apeqquut saqqummiunneqartoq pillugu qujavunga, taannalu imatut ni-
peqarpoq:

**Naalakkersuisunut apeqquut: Inissiaruarni kiassarnermut imermullu inissiikkaar-
tumik atuineq naapertorlugu akiliuteqartitsisalnissamik suliniut sumut killippa?**

Ilisimatitsissutigisinnaavara, inissiaruarni Namminersorlutik Oqartussat imaluunniit Il-
luuteqarnermi aktianik piginneqatigiiffiup Illuut A/S-ip sanatitsisuuffigisaani tamani nali-
nginnaasumik innaallagissamut, imermut kiassarnermullu aningaasartuutit atukkat malil-
lugit ataasiakkaanut akilersinneqartarnissaat piumasaqaatigineqartarmat.

Inissiani attartortittakkani pisoqaanerusuni, Namminersorlutik Oqartussanit pigineqartuni
atukkat malillugit imermut kiassanermullu akiliisitsisarnissaq aningaasaqarnerinnaq tun-
ngavigalugu naapertuunnersoq aammalu teknikkikkut atulersinnaanersoq ingerlaavar-
tumik nalilersuiffigineqartarpoq.

Aaqqissuussineq taamaattoq amerlanertigut aningaasaqarnikkut annertuunik aningaa-
sartuuteqarfiusarpoq, aammalu kuutsitsisarfinni tamani uuttuutini ikkussuisoqartarluni.
Assersuutigalugu tamatuma kingunerisaanik uuttuutit marluk igaffimmut ikkunneqartus-
saassapput; imermut nillertumut ataaseq aamma imermut kissartumut ataaseq, taama-
tullu uuttuutit sisamat uffarfimmut ikkunneqartussaassallutik.

Neriuppunga matumuunakkut suliaq pillugu paasititsisimassallunga, paasissutissanillu
amerlanerusunik tunniussinissamut piareersimavunga.

Inussiarnersumik inuulluaqqusillunga

Jens B. Frederiksen

15. oktober 2010
Suliaq nr. 2010-039583
Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl